



20. april 2012

Inatsisartut Suleriaasianni § 37 naapertorlugu matumuuna imaattunik Naalakkersuisunut apeqquteqarpunga:

1. Naalakkersuisut nalilersinnaavaat pisortanut akiitsut akilersinniarneqartarnerat pillugu Namminersorlutik Oqartussat nalunaarutaat nr. 9, 1. juli 2010-meersoq ingasaassinerup iluaniinginnersoq?

(Inatsisartunut ilaasortaq Hans Aronsen, Inuit Ataqatigiit)

Tuungavilersuut:

Nalunaarummut tunngatillugu Akiliisitsiniartarfik Namminersorlutik Oqartussat sinnerlugit innuttaasunut suliffeqarfinnullu pisortanut akiitsoqartunut nalunaaruteqeqarpoq. Innuttaasunut suliffeqarfinnullu nalunaarummi pineqartumi imatut allassimasoqarpoq:

Ilanngaassinissaq:

Akilerartarnermut Aqutsisoqarfimmi, Akiliisitsiniartarnermi Oqartussaniit nalunaarutigineqassaaq sapinngisaq naapertorlugu ilanngartuisoqassammat pisortanik tunniunneqartussanit, makkununga tunngasut:

- *Sanaartuugassanik suliaqarnermi akiliutit*
- *Nioqqutissanut sullissinernullu akiliutit*

Matumuunaa Naalakkersuisunut apeqqutigissavara uani toqqaannartumik assersuutigalugu, piniartoq pisortanut akiitsoqalersimasoq kommunimut inuussutissanik tunisagaruni, pissusissamisoornersoq akissarsiassaminik tamakkiisumik ilanngaanneqarnissaa. Taamaalilluni aningaasamik minnerpaamilluunniit tigusaqartussaajunnaarlugu. Taamaalillunilu piniariarluni aallaqqinnissamat periarfissatigut mattunneqarluni. Taamatut apeqquteqarpunga pissutigalugu nalunaarut tunngavigalugu periuseq tamanna atorneqalersimasoq ilisimalersimalersimagakku. Erseqqissassavarali pingaaruteqarmat inuiaqatigiit pisortanut akiitsuisa annikillissarnissaannik suliniuteqarneq.